




# বিজেএমসি বুলেটিন

জুলাই-সেপ্টেম্বর ২০১৭

জাতীয়  
শোক দিবস  
২০১৭



পরায়ণতার অন্ধকার থেকে বাঙ্গালিকে আলোর পথযাত্রী করতে ইতিহাসের ক্রান্তিলগ্নে আবির্ভূত হয়েছিলেন এক অমিততেজী মহানায়ক। তিনি হাজার বছরের শ্রেষ্ঠ বাঙ্গালী জাতির পিতা বঙ্গবন্ধু শেখ মুজিবুর রহমান। যাঁর নামের সাথে অঙ্গাঙ্গিভাবে জড়িয়ে রয়েছে স্বাধীন ও সার্বভৌম বাংলাদেশ। সমৃদ্ধ এক গৌরবময় সোনার বাংলা গড়ার স্বপ্ন ছিল বঙ্গবন্ধুর। সে লক্ষ্যে তিনি বাংলার মানুষকে সংগঠিত করেছিলেন। তার স্বপ্ন বাস্তবায়নের অগ্রযাত্রাকে নির্মমভাবে থামিয়ে দেয় পরাজিত অশুভ শক্তি। ১৯৭৫ সালের ১৫ আগস্ট নৃশংস নির্মমতায় হত্যা করা হয় তাঁকে ও তাঁর পরিবারের অধিকাংশ সদস্যকে। তবে তাঁর স্বপ্নের মৃত্যু নেই, চেতনা তাঁর চিরঞ্জীব। বাঙ্গালিকে মুক্তির পথ দেখিয়ে তিনি চিরকালের সেরা হয়ে আছেন বাঙ্গালি এবং বিশ্ব সভার মানসপটে।

জাতির পিতার ৪২তম শাহাদাৎ বার্ষিকী ও জাতীয় শোক দিবস পালন উপলক্ষে ১৭ ই আগস্ট বিজেএমসিতে শোকসভার আয়োজন করা হয়। উক্ত শোকসভায় উপস্থিত ছিলেন বঙ্গ ও পাট মন্ত্রণালয়ের মাননীয় প্রতিমন্ত্রী, সম্মানিত সচিব, বিজেএমসির চেয়ারম্যান, পরিচালকবৃন্দ, অন্যান্য প্রতিষ্ঠানের উর্ধ্বতন কর্মকর্তাবৃন্দ এবং বিজেএমসির উর্ধ্বতন কর্মকর্তাবৃন্দসহ সর্বস্তরের কর্মকর্তা ও কর্মচারীবৃন্দ। পবিত্র কুরআন থেকে তিলাওয়াতের মাধ্যমে অনুষ্ঠান শুরু করা হয়। জাতির পিতা, তাঁকে অনুপ্রেরণা দানকারী বঙ্গমাতা ও তাঁর সাথে শহীদ পরিবারের সকলের স্মরণে দাঁড়িয়ে এক মিনিট নীরবতা পালন করা হয়। বঙ্গ ও পাট মন্ত্রণালয়ের মাননীয় প্রতিমন্ত্রী, সম্মানিত সচিব, বিজেএমসির চেয়ারম্যান ও অন্যান্য ব্যক্তিবর্গ শতাব্দীর এই মহানায়কের বর্ণাঢ্য জীবনী সম্পর্কে আলোচনা করেন।

উল্লেখ্য, ১৫ আগস্ট জাতীয় শোক দিবসে বিজেএমসি অফিসার্স এসোসিয়েশন, মুক্তিযোদ্ধা ইউনিট কমান্ড এবং সিবিএ কর্তৃক ধানমন্ডিছ ৩২ নম্বর বাড়ীতে বঙ্গবন্ধুর প্রতিকৃতিতে পুষ্পার্ঘ্য অর্পণের মাধ্যমে শহীদদের আত্মার প্রতি শ্রদ্ধা নিবেদন করা হয়।



জাতির পিতার প্রতিকৃতিতে বিজেএমসি'র চেয়ারম্যান মহোদর ও অন্যান্য কর্মকর্তাবৃন্দের পুষ্পার্ঘ্য অর্পণ করেন।



জাতির পিতার প্রতিকৃতিতে বিজেএমসি'র সিবিএ'র পুষ্পার্ঘ্য অর্পণ।





## ২০১৬-১৭ অর্থবছরে কর্মসম্পাদন মূল্যায়ন বিষয়ক কর্মশালা অনুষ্ঠিত



২০১৬-১৭ অর্থবছরে প্রণীত কর্মসম্পাদন চুক্তিতে বিজেএমসি’র নিয়ন্ত্রণাধীন প্রতিটি মিলের পাটক্রয়, উৎপাদন, বিক্রয় ইত্যাদির লক্ষ্যমাত্রা নির্ধারণ করা হয়। পাটক্রয়, উৎপাদন, বিক্রয়, রক্ষণাবেক্ষণ ইত্যাদি কাজ সুষ্ঠুভাবে সম্পাদনের জন্য প্রতিটি মিলের প্রকল্প প্রধান এবং পাট বিভাগীয় প্রধানগণ ৬টি গ্রুপে বিভক্ত হয়ে বাস্তবতার নিরিখে উক্ত লক্ষ্যমাত্রা অর্জন/লক্ষ্যমাত্রা অর্জন না হওয়ার কারণসমূহ উদঘাটন এবং তদপরিশ্রেক্ষিতে উত্তরণের সুপারিশমালা প্রণয়ন করেন। সংস্থার চেয়ারম্যান বিজেএমসিকে একটি দুর্নীতিমুক্ত সাবলম্বী ব্যবসায়িক প্রতিষ্ঠানে রূপান্তরের বিষয়ে ঐকান্তিকভাবে সকলের কাজ করার লক্ষ্যে শপথ বাক্য পাঠ করান।



মাননীয় মন্ত্রী ও প্রতিমন্ত্রী তাঁদের বক্তব্যে উল্লেখ করেন যে, মাননীয় প্রধানমন্ত্রীর আন্তরিক সহযোগিতায় বস্ত্র ও পাট মন্ত্রণালয় এবং বিজেএমসি’র ঐকান্তিক চেষ্টায়, গত অর্থবছরের তুলনায় চলতি অর্থবছরে ক্ষতি তুলনামূলকভাবে কমিয়ে আনা সম্ভব হয়েছে। এই ধারা অব্যাহত থাকলে বিজেএমসি আবার তার হারানো সোনালী পাটের ঐতিহ্য ফিরিয়ে আনতে পারবে মর্মে তাঁরা আশাবাদ ব্যক্ত করেন।

পাটের ব্যবহার বৃদ্ধি করুন, পরিবেশ রক্ষা করুন



## পাটক্রয় কার্যক্রম সুষ্ঠুভাবে সম্পাদনের লক্ষ্যে বস্ত্র ও পাট মন্ত্রণালয়ে মতবিনিময় সভা



মানসম্মত পাটক্রয় এবং পাটের শ্রেণিবিন্যাস সম্পর্কে বিজেএমসি ও পাট অধিদপ্তর কর্তৃক একটি উপস্থাপনা গত ১৯/০৭/২০১৭ মন্ত্রণালয়ের সভাকক্ষে অনুষ্ঠিত হয়। অনুষ্ঠানে সভাপতিত্ব করেন বস্ত্র ও পাট মন্ত্রণালয়ের সম্মানিত সচিব জনাব মোঃ ফয়জুর রহমান চৌধুরী। এছাড়াও অনুষ্ঠানে উপস্থিত ছিলেন বস্ত্র ও পাট মন্ত্রণালয়ের উর্ধ্বতন কর্মকর্তাবৃন্দ এবং বিজেএমসি ও পাট অধিদপ্তরের প্রতিনিধিগণ। আসন্ন পাটক্রয় মৌসুমের শুরুতেই যেন বিজেএমসি প্রণীত লক্ষ্যমাত্রা অনুযায়ী মানসম্মত পাট সঠিক মূল্যে ক্রয় করতে পারে তা নিয়ে সভায় বিশদ আলোচনা হয়। বর্তমান শ্রমিকবান্ধব সরকারের পাট ও পাটশিল্পকে উজ্জীবিত করার লক্ষ্যে প্রদত্ত নির্দেশনা সুষ্ঠুভাবে বাস্তবায়নের মূল হাতিয়ার হল মৌসুমের শুরুতে মানসম্মত পাটক্রয়। তাই পাটক্রয় প্রক্রিয়া স্বচ্ছ, নিরপেক্ষ ও দুর্নীতিমুক্ত করার বিষয়ে সকলকে দায়িত্ববান হওয়ার আহ্বান জানিয়ে সভার সমাপ্তি ঘোষণা করা হয়।

### ■ প্রধান পৃষ্ঠপোষক

ড. মোঃ মাহমুদুল হাসান  
চেয়ারম্যান, বিজেএমসি

### ■ সম্পাদনা পর্ষদ

আরজিনা জান্নাত  
ব্যবস্থাপক (প্রশিক্ষণ)

সীমা দাস  
ব্যবস্থাপক (জনসংযোগ)

সাদিয়া সুলতানা  
সহ-ব্যবস্থাপক (হিসাব)

মোহাম্মদ শাহজাহান  
উচ্চমান সহকারী (প্রকল্প হিসাব)

### ■ মুদ্রণ :

সিটি আর্ট প্রেস  
১৭৩, ফকিরেরপুল, ঢাকা-১০০০।

### ■ বাংলাদেশ পাটকল করপোরেশন (বিজেএমসি)

আদমজী কোর্ট (এনেস্স-১), মতিবিল, ঢাকা-১০০০।  
ফ্যাক্স : (+৮৮০-২) ৯৫৬৭৫০৮/৯৫৬৮৭৪০  
ইমেইল : [bjmc.bd@gmail.com](mailto:bjmc.bd@gmail.com)  
ওয়েবসাইট : [www.bjmc.gov.bd](http://www.bjmc.gov.bd)

## মম্পাদকীয়



শোকাবহ ১৫ই আগস্ট, জাতীয় শোক দিবস ইতিহাসের বেদনা বিধুর, বিভীষিকাময় ও কলঙ্কজনক ঘটনা। এটি সর্বকালের সর্বশ্রেষ্ঠ বাঙালি জাতির পিতা শেখ মুজিবুর রহমানের ৪২তম শাহাদাৎ বার্ষিকী। ধানমন্ডির ঐতিহাসিক ৩২ নম্বর বাড়িটিতে সপরিবারে প্রাণ দিয়েছিলেন বাঙালীর ইতিহাসের শ্রেষ্ঠ সন্তান, স্বাধীনতার মহান স্থপতি বঙ্গবন্ধু শেখ মুজিবুর রহমান। নুশংস এই দিনটিতে তাঁদের সাথে আরো অনেককেই প্রাণ দিতে হয়েছিল। বাংলাদেশের মানুষের কাছে “আগস্ট” শোকের মাসে পরিণত হয়েছে। বিজেএমসির এ বুলেটিন তাই জাতীয় শোক দিবস সংখ্যা।

বুলেটিনে বিজেএমসি এবং এর নিয়ন্ত্রণাধীন মিলসমূহের ঘটনাবলী যেমন-নিয়োগ, পদোন্নতি, প্রশিক্ষণ (অভ্যন্তরীণ এবং বৈদেশিক), বিভিন্ন অনুষ্ঠানাদির তথ্য পরিবেশন করা হয়। এ বুলেটিনে বিজেএমসির চলমান সকল কর্মকাণ্ডের প্রতিচ্ছবি প্রতিফলিত হয়েছে। এ ক্ষেত্রে বিজেএমসি এবং মিলসমূহের সৃষ্টিশীল কর্মকাণ্ডের প্রদত্ত তথ্য বুলেটিনকে আরো সমৃদ্ধ করবে। পাঠকদের পরামর্শ পাওয়া গেলে আগামী সংখ্যার বিজেএমসি বুলেটিন আরো সৃজনশীল এবং তথ্য সমৃদ্ধ করে প্রকাশ করা সম্ভব হবে।

## কৃতজ্ঞতা স্বীকার

চেয়ারম্যান, বিজেএমসি যাঁর নিরন্তর উৎসাহ অনুপ্রেরণার ফসল এ বুলেটিন। এছাড়া যে সকল কর্মকর্তা ও কর্মচারী তথ্য/ছবি দিয়ে সহযোগিতা করেছেন তাঁদেরকেও জানাচ্ছি আন্তরিক ধন্যবাদ।

পাটপণ্য ব্যবহার করুন, দেশের অর্থনীতি সচল রাখুন






## পাট বিভাগীয় প্রধান এবং এজেসী ইনচার্জদের সাথে সভা



বিজেএমসিকে আত্মনির্ভরশীল সরকারী ব্যবসা প্রতিষ্ঠান হিসেবে গড়ে তোলার লক্ষ্যে মৌসুমের শুরুতেই যথাযথ পরিকল্পনার মাধ্যমে সময়মত সঠিক মূল্যে সঠিক মানের পাটক্রয়, পাটজাত পণ্যের গুণগত মান নিয়ন্ত্রণ এবং পাটক্রয় কেন্দ্রের সার্বিক কর্মকাণ্ড সুষ্ঠুভাবে পরিচালনা করা একান্ত প্রয়োজন। সাশ্রয়ী ও প্রতিযোগিতামূলক দরে সময়মত মানসম্মত পাটক্রয় সম্ভব হলে এবং গুণগত মানের পাটপণ্য উৎপাদন করে বিশ্ব বাজারে রপ্তানী করতে পারলে বাংলাদেশের পাটপণ্যের সুনাম সমুল্লত রাখা সম্ভব হবে। এ লক্ষ্যকে সামনে রেখে ২০১৭-১৮ সালের পাটক্রয় কার্যক্রম সুষ্ঠু ও সুন্দরভাবে সম্পন্ন করার জন্য বিজেএমসি'র আওতাধীন মিলসমূহের পাট বিভাগীয় প্রধান এবং এজেসী ইনচার্জদের নিয়ে গত ০৭/০৭/২০১৭ তারিখে এবং পাট ব্যবসায়ীদের নিয়ে গত ১৮/০৭/২০১৭ তারিখে বিজেএমসির সম্মেলন কক্ষে বিজেএমসির চেয়ারম্যান মহোদয়ের সভাপতিত্বে ভিন্ন ভিন্ন সভা অনুষ্ঠিত হয়। সভায় বিজেএমসির উপদেষ্টা (উৎপাদন ও পাট) এবং ২২টি পাটকলের পাট বিভাগীয় প্রধান এবং এজেসী ইনচার্জগণ উপস্থিত ছিলেন। সভায় আরো উপস্থিত ছিলেন সারা দেশের ৬০ জন পাট ব্যবসায়ী।

## FACS পদকে ভূষিত বিজেএমসি'র বৈজ্ঞানিক উপদেষ্টা জনাব ড. মোবারক আহমদ খান

২০১৭ সালে Federation of Asian Chemical Society (FACS) পদকে ভূষিত হয়েছেন জনাব ড. মোবারক আহমদ খান। তিনি বর্তমানে বিজেএমসিতে বৈজ্ঞানিক উপদেষ্টা হিসেবে নিয়োজিত আছেন। উল্লেখ্য, যে, শুধুমাত্র বাংলাদেশে নয় সমগ্র এশীয় উপমহাদেশে তিনিই সর্বপ্রথম এই পদকে ভূষিত হয়েছেন।



## ঈদ শুভেচ্ছা ও শ্রদ্ধা নিবেদন

পবিত্র ঈদুল আযহা ও জাতীয় শোক দিবস উপলক্ষে বিজেএমসি'র চেয়ারম্যান মহোদয় সবাইকে মোবাইলে শুভেচ্ছা জানান।

আসন্ন পবিত্র ঈদ-উল-  
আযহা উপলক্ষ্যে  
আপনাকে জানাই ঈদের  
শুভেচ্ছা।  
ঈদ মোবারক।  
ড. মোঃ মাহমুদুল হাসান  
চেয়ারম্যান, বিজেএমসি।

জাতির জনক বঙ্গবন্ধু শেখ মুজিবুর  
রহমানের ৪২তম শাহাদাত বার্ষিকী  
উপলক্ষ্যে বিজেএমসি'র সকল কর্মকর্তা ও  
কর্মচারী উপস্থিত থেকে বিনম্র শ্রদ্ধা  
নিবেদন করায় সকলকে ধন্যবাদ জানাই  
চেয়ারম্যান  
বিজেএমসি

Gram...e 5:03 PM

সামনে আসছে শুভদিন, আবিষ্কার হয়েছে পাটের জিন



## প্লাটিনাম জুবিলী জুট মিলে শহীদদের স্মৃতি রক্ষার্থে স্মৃতিফলক উন্মোচন



প্লাটিনাম জুবিলী জুট মিলে ১৯৭১ সালে শহীদ হওয়া বাঙ্গালী শ্রমিকদের স্মৃতিরক্ষার্থে একটি স্মৃতিফলক প্রতিষ্ঠা করা হয়। উক্ত স্মৃতিফলকটি গত ১৩ই আগস্ট ২০১৭ইং তারিখে উন্মোচন করেন গণপ্রজাতন্ত্রী বাংলাদেশ সরকারের মাননীয় সংস্কৃতি বিষয়ক মন্ত্রী জনাব আসাদুজ্জামান নূর, এমপি। অনুষ্ঠানে সভাপতিত্ব করেন প্লাটিনাম জুবিলী জুট মিলের প্রকল্প প্রধান ও উপ-মহাব্যবস্থাপক জনাব মো: শাহজাহান। এ অনুষ্ঠানে আরও উপস্থিত ছিলেন খুলনা-৩ আসনের মাননীয় সাংসদ জনাব বেগম মনুজান সুফিয়ান এমপি, অধ্যাপক মুনতাসীর মামুন, ডা: শেখ বাহারুল আলম, জনাব হারুন-অর-রশিদ, খুলনা জেলা পরিষদ চেয়ারম্যান, স্থানীয় নেতৃবৃন্দ, মিলের সকল স্তরের কর্মকর্তা, কর্মচারী ও শ্রমিকবৃন্দ।

১৯৭১ সালে মহান স্বাধীনতা যুদ্ধকালীন সময়ে প্লাটিনাম জুবিলী জুট মিলের জ্বলন্ত বয়লারে নিষ্ক্ষেপ করে অনেক বাঙ্গালী শ্রমিককে পাকিস্তানী সেনারা নৃশংসভাবে হত্যা করে- যা ছিল নির্মম গণহত্যা। জনশ্রুতি রয়েছে এখানে প্রায় ৭০ জন বাঙ্গালী শ্রমিককে পুড়ে মারা হয়। “১৯৭১ সালে গণহত্যা নির্যাতন ও মুক্তিযুদ্ধ বিষয়ক গবেষণা কেন্দ্র” নামে বর্তমান সরকারের মাননীয় প্রধানমন্ত্রী নির্দেশক্রমে একটি ট্রাস্ট প্রতিষ্ঠা করা হয়। যার সভাপতি ঢাকা বিশ্ব বিদ্যালয়ের প্রাক্তন অধ্যাপক জনাব মুনতাসীর মামুন।



প্লাটিনাম জুবিলী জুট মিলে শহীদ হওয়া বাঙ্গালী শ্রমিকদের স্মৃতি রক্ষার্থে স্মৃতিফলকটি গত ১৩/০৮/২০১৭ তারিখে উন্মোচন করেন গণপ্রজাতন্ত্রী বাংলাদেশ সরকারের মাননীয় সংস্কৃতি বিষয়ক মন্ত্রী জনাব আসাদুজ্জামান নূর, এমপি।

## বিজেএমসি'র নিয়ন্ত্রণাধীন বিভিন্ন মিলে ১৫ই আগস্ট জাতির পিতা'র ৪২তম শাহাদাৎ বার্ষিকী ও জাতীয় শোক দিবস পালন



জাতির পিতা'র ৪২তম শাহাদাৎ বার্ষিকী ও জাতীয় শোক দিবস উপলক্ষে হাফিজ জুট মিলস্ লিঃ কর্তৃক আয়োজিত শোক র্যালী।



ইউএমসি জুট মিলে ১৫ই আগস্ট জাতির পিতা'র ৪২তম শাহাদাৎ বার্ষিকী ও জাতীয় শোক দিবস উপলক্ষে আলোচনা সভায় বক্তব্য প্রদান করেন মিলের প্রকল্প প্রধান।



প্লাটিনাম জুবিলী জুট মিলে ১৫ই আগস্ট জাতির জনক এর ৪২ তম শাহাদাৎ বার্ষিকী ও জাতীয় শোক দিবস পালন

## চীনা প্রতিনিধি দলের কেএফডি লিঃ পরিদর্শন



উপদেষ্টা (গবেষণা), বিজেএমসি এর নেতৃত্বে গত ২৮.০৭.২০১৭ তারিখে চীনা কারিগরী প্রতিনিধি দল কেএফডি লিঃ পরিদর্শন করেন। উক্ত প্রতিনিধি দলের সাথে চট্টগ্রামের আঞ্চলিক সমন্বয়কারী কর্মকর্তাসহ মিলের উচ্চপদস্থ কর্মকর্তাবৃন্দ উপস্থিত ছিলেন।

চারদিকে একি শনি, পাটশিল্পের জয়ধ্বনি



## প্রশিক্ষণ

বিজেএমসি কম্পিউটার প্রশিক্ষণ কেন্দ্র, ঢাকা :

বিজেএমসি প্রশিক্ষণ কেন্দ্র, ঢাকায় “এডভান্সড কম্পিউটার কোর্স-৬২” , “এডভান্সড কম্পিউটার কোর্স-৬৩” ও “এডভান্সড কম্পিউটার কোর্স-৬৪” শীর্ষক প্রশিক্ষণ কর্মসূচী যথাক্রমে ০৯-০৭-১৭ হতে ২৭-০৭-১৭, ৩০-০৭-১৭ হতে ১৭-০৮-১৭ তারিখ ও ১০-০৯-১৭ হতে ২৮-০৯-১৭ তারিখ অনুষ্ঠিত হয় যেখানে বিভিন্ন মিলের ৫৭ জন প্রশিক্ষণার্থী উক্ত কোর্সসমূহে অংশগ্রহণ করেন। এছাড়া ২০১৬-১৭ অর্থ বছরের কর্মসম্পাদন মূল্যায়ন বিষয়ক কর্মশালা ১৬-০৭-১৭ তারিখে বিজেএমসি প্রধান কার্যালয়, ঢাকায় অনুষ্ঠিত হয়। এ কর্মশালায় ৫০ জন কর্মকর্তা অংশগ্রহণ করেন।



বিজেএমসি আঞ্চলিক প্রশিক্ষণ কেন্দ্রসমূহের প্রশিক্ষণ:

বিজেএমসি আঞ্চলিক প্রশিক্ষণ কেন্দ্র, চট্টগ্রামে “সরকারি কর্মসম্পাদন ব্যবস্থাপনা কোর্স- ৯৪” ০৮-০৭-১৭ হতে ১৩-০৭-১৭ তারিখ এবং আঞ্চলিক প্রশিক্ষণ কেন্দ্র, খুলনায় “সরকারি কর্মসম্পাদন ব্যবস্থাপনা কোর্স - ৯৫” ০৮-০৭-১৭ হতে ১৩-০৭-১৭ তারিখ অনুষ্ঠিত হয়। বিভিন্ন মিলের সর্বমোট ৩৬ জন প্রশিক্ষণার্থী উক্ত কোর্সদ্বয়ে অংশগ্রহণ করেন।

অন্যান্য প্রতিষ্ঠান হতে গৃহীত প্রশিক্ষণসমূহ :

- ১। বাংলাদেশ শিল্প কারিগরি সহায়তা কেন্দ্র (বিটাক) এ ০৯-০৭-১৭ হতে ১৯-১০-১৭ মেয়াদে উচ্চতর কারিগরি প্রশিক্ষণচ শীর্ষক প্রশিক্ষণ কর্মসূচীতে বিজেএমসির বিভিন্ন মিল হতে ৮(আট) জন কর্মকর্তা অংশগ্রহণ করেন।
  - ২। জাতীয় পরিকল্পনা ও উন্নয়ন একাডেমিতে ১৭-০৯-১৭ হতে ২১-০৯-১৭ মেয়াদে অনুষ্ঠিত “Human Resource Managment” শীর্ষক প্রশিক্ষণে বিজেএমসির ১(এক) জন কর্মকর্তা অংশগ্রহণ করেন।
  - ৩। “Post Graduate Diploma in Information & Communication” শীর্ষক প্রশিক্ষণ কর্মসূচী ১ বছর (জানুয়ারি-ডিসেম্বর) মেয়াদে জাতীয় পরিকল্পনা ও উন্নয়ন একাডেমিতে অনুষ্ঠিত হচ্ছে; বিজেএমসি’র ৩ (তিন) জন কর্মকর্তা এ প্রশিক্ষণে অংশগ্রহণ করছেন।
  - ৪। “মন্ত্রণালয়/বিভাগের ইনোভেশন টিমের সদস্যদের উদ্ভাবন চর্চা সহায়ক পরিবেশ তৈরী বিষয়ক দক্ষতা বৃদ্ধি” শীর্ষক কর্মশালা ২৩-০৭-১৭ তারিখে অনুষ্ঠিত হয়। মাননীয় প্রধানমন্ত্রীর কার্যালয়ের এটুআই প্রোগ্রাম কর্তৃক আয়োজিত এ প্রশিক্ষণে বিজেএমসি’র ২ (দুই) জন কর্মকর্তা অংশগ্রহণ করেন।
  - ৫। মাননীয় প্রধানমন্ত্রীর কার্যালয়ের এটুআই প্রোগ্রাম কর্তৃক আয়োজিত “নাগরিক সেবায় উদ্ভাবন বিষয়ক কর্মশালা” শীর্ষক কর্মসূচী ২৩-০৭-১৭ হতে ২৭-০৭-১৭ তারিখে অনুষ্ঠিত হয়। বিজেএমসি’র ৫ (পাঁচ) জন কর্মকর্তা উক্ত কর্মশালায় অংশগ্রহণ করেন।
  - ৬। আইসিএমএবি, নীলখেত-এ ২৪-০৮-১৭ হতে ২৫-০৮-১৭ তারিখে অনুষ্ঠিত “Advanced Use Of Excel To Dashboard Reporting” শীর্ষক প্রশিক্ষণে বিজেএমসি হতে ৫ (পাঁচ) জন কর্মকর্তা অংশগ্রহণ করেন।
- জুলাই থেকে সেপ্টেম্বর-২০১৭ মাসে বিজেএমসি’র মিলসমূহে অনুষ্ঠিত “On the Job Training”-এ মোট ৩৬০ জন শ্রমিক/কর্মচারী/কর্মকর্তা অংশগ্রহণ করেন।

## ক্রীড়াঙ্গন



২৪-৩১ জুলাই ২০১৭ তারিখে ভলিবল জাতীয় স্টেডিয়ামে অনুষ্ঠিত ২৩তম জাতীয় মহিলা ভলিবল প্রতিযোগিতায় বিজেএমসি মহিলা ভলিবল দল রানারআপ হওয়ার গৌরব অর্জন করে।

গত ২০, ২১ ও ২২ জুলাই ২০১৭ তারিখে বঙ্গবন্ধু স্টেডিয়ামে ১৩তম জাতীয় সামার এ্যাথলেটিক প্রতিযোগিতা ২০১৭-তে বিজেএমসি ৫ম স্থান অধিকার করে।

১০-১৬ সেপ্টেম্বর ২০১৭ তারিখে থাইল্যান্ডে অনুষ্ঠিত ‘এএফসি ওমেন্স ফুটবল চ্যাম্পিয়নশীপ ২০১৭’তে বিজেএমসি মহিলা ফুটবল টিম অংশগ্রহণ করে।

বাঁচবে চাষী বাড়বে চাষ এই আমাদের মনের আশ



## যাঁরা অবসরে গেলেনঃ

জুলাই-সেপ্টেম্বর'২০১৭ মাসে বিজেএমসি প্রধান কার্যালয়, আঞ্চলিক কার্যালয় ও মিল হতে যে সকল কর্মকর্তা ও কর্মচারী অবসরগ্রহণ/পিআরএলে গমন করেছেন তাঁদের জন্য রইল প্রাণঢালা শুভকামনা-

কর্মকর্তার নাম	পদবী	কর্মস্থল	পিআরএল/অবসর এ যাবার তারিখ
জনাব এস এম আব্দুর রব নিস্তার	উপ-মহাব্যবস্থাপক (বিপণন)	বিজেএমসি	১৪-০৭-২০১৭
জনাব মোঃ শাহাদাত হোসেন খান	মহাব্যবস্থাপক (বিপণন)	বিজেএমসি	০৫-০৭-২০১৭
জনাব মোঃ আব্দুস সালাম তালুকদার	সহকারী হিসাব কর্মকর্তা	বিজেএমসি	৩১-০৭-২০১৭
জনাব কাঞ্চন দে	সহকারী হিসাব কর্মকর্তা	বিজেএমসি	০৫-০৮-২০১৭
জনাব মোহাম্মদ আলী	সহকারী সমন্বয় কর্মকর্তা (কর্মচারী সংযোগ)	বিজেএমসি	১৩-০৮-২০১৭
জনাব সাহিদা বেগম	ব্যবস্থাপক (বিপণন)	বিজেএমসি	১৫-০৮-২০১৭
জনাব মোঃ শাহনুর ইসলাম	ব্যবস্থাপক (বিপণন)	বিজেএমসি	০৩-০৯-২০১৭
জনাব মাসউদুর রহমান	ব্যবস্থাপক (উৎপাদন)	আমিন জুট মিলস্ লিঃ	২৪-০৯-২০১৭
জনাব মোঃ আকবর	অফিস সহায়ক	রক্ষণাবেক্ষণ	০২-০৭-২০১৭
জনাব মোঃ জাহাঙ্গীর কবির	গাড়ী চালক	সাঃ সেবা	০৬-০৮-২০১৭
জনাব মোঃ শাহজাহান আলী সরকার	অফিস সহায়ক	বিপণন বিভাগ	৩০-০৯-২০১৭

### শোক বার্তা

যেসব সহকর্মী আমাদের ছেড়ে পৃথিবী থেকে বিদায় নিয়েছেন মহান আল্লাহর কাছে তাঁদের বিদেহী আত্মার মাগফেরাত কামনা করছি এবং তাঁদের শোকসন্তপ্ত পরিবারের প্রতি গভীর সহানুভূতি ও সমবেদনা জানাচ্ছি-

ক্রঃ নং	মৃত ব্যক্তির নাম ও পদবী	মিলের নাম	মৃত্যুর তারিখ
১.	জনাব মোঃ আল ইসলাম, ববিন শিফটার	লতিফ বাওয়ানী জুট মিলস্ লিঃ	০১/০৭/১৭
২.	জনাব মহর আলী, সফটনার ফিডার	বাংলাদেশ জুট মিলস্ লিঃ	০৮/০৭/১৭
৩.	জনাব মোঃ সোলেমান, মোটা তাঁতী	লতিফ বাওয়ানী জুট মিলস্ লিঃ	১১/০৭/১৭
৪.	জনাব মীর আঃ ওহাব, পিটার	লতিফ বাওয়ানী জুট মিলস্ লিঃ	১৪/০৭/১৭
৫.	জনাব ওসমান গণি, জার্নিম্যান	হাফিজ জুট মিলস্ লিঃ	১৫/০৭/১৭
৬.	জনাব গোলাম মূর্তজা, হাইড্রেন পাম্প চালক	রাজশাহী জুট মিলস্ লিঃ	১৭/০৭/১৭
৭.	জনাব মাহবুবুর রহমান, চিকন তাঁতী	গুল আহমদ জুট মিলস্ লিঃ	২২/০৭/১৭
৮.	জনাব জামাল উদ্দিন, রোল ওয়াইন্ডার	লতিফ বাওয়ানী জুট মিলস্ লিঃ	৩০/০৭/১৭
৯.	জনাব জাফর আহাম্মদ, অয়েলম্যান	হাফিজ জুট মিলস্ লিঃ	১৩/০৮/১৭
১০.	জনাব মজিবুর রহমান, জার্নিম্যান	লতিফ বাওয়ানী জুট মিলস্ লিঃ	২১/০৮/১৭
১১.	জনাব মোঃ আশরাফুল, মিহি তাঁতী	লতিফ বাওয়ানী জুট মিলস্ লিঃ	২৫/০৮/১৭
১২.	জনাব মোঃ রাজ মাসুদ মিয়া, প্রকৌশলী (যান্ত্রিক)	গালফ্রা হাবীব লিঃ	০৫/০৯/১৭
১৩.	জনাব চাঁন মিয়া, ফিটার	হাফিজ জুট মিলস্ লিঃ	১০/০৯/১৭
১৪.	জনাব নুর সুলতান, হেмиং মেশিনম্যান	হাফিজ জুট মিলস্ লিঃ	১৮/০৯/১৭

